

莆靖小紀

熙朝莆靖小紀

莆田陳鴻邦賢氏記

甲子康熙二十三年

正月蘇太守禁元宵粧扮故事，穀價每石二錢，番

薯每百斤五分，甘蔗每十枝一分四厘，且糖每百斤

五錢，百貨俱賤，惟柴魚布帛尚貴。三月廿三日，新任

知縣莫家禎

錢塘縣人

二麥登場，小麥每石二錢五分，

大麥每石乙錢三分，無人肯買。去冬十月，婁猪生

子，背子有張安二字，初安為右營兵丁，復事黃石光

棍，李金龍為惡，及李累事，安走投海上。康十九年，安

積勞至千總，防守界外並黃石地方，性凶暴嗜殺，每
出界巡哨，只帶刀，逢人必殺，朋舊假不相識，哀求告
饒，或脫一二，如以親朋之情告之，百無一免。截界十
餘年，殺人以千計。夜半，被伴兵用鐵鎚打死，其人係
江西人氏，父兄被安所殺，擄他為奴。至是復仇，逃書
數字于壁，言安係他殺之。變猪不畜而易，長至四月，
屠戶無人敢殺，有一人與安有仇，買去殺之。去冬，
差三人查勘界外田地造冊開徵，從江西入廣東，四
月廿三日到莆，兼程赴省。六月，早稻大熟，每石價
二錢，前奉文着各府縣遍畫山川地上閱。畝八月奉

文，百姓不得用宋錢及明朝廢錢，只用本朝制文錢，
民間仍如常而用。十月冬，稻谷價仍二錢，京差禮
部主事賈御賜袍帶等物，致祭我湄州天妃及平海
龍神井神，因施提督征臺舡泊平海，三軍取汲一井，
隨汲隨湧，衆賴以濟，施公題曰師泉，作文立牌以祀。
設閩海鈔關，許百姓造船浮海而貿易焉。

乙丑康熙二十四年

正月元宵，仍遵蘇太守禁令，去冬至今春，俱無雨，
谷每石五錢，四月，各官又請李雲龍設壇祈雨，十
九日大雨，春田方，佈谷價減一錢，五月，北門外競

渡龍舟皆到吳公廟獻紙申時大雨震雷各船俱回
拱辰鋪一船後回至寧海橋雷從船尾而出擊死舵
工莊聖彬及旁兩人莫知縣出示要請官地起蓋
店舍房室者從新給帖納稅每帖索銀三錢早稻
大熟價尚三錢總鎮吳英調鎮舟山新任總兵王
萬祥陝西人冬稻亦大熟每石二錢五分歲暮
百貨俱賤惟魚極貴因文武橫征魚稅魚缸俱進泉
州港不入涵江

丙寅康熙二十五年

元宵仍冷淡

新任海防廳楊棻

蔭生父任吏部左堂

秉性貪

健

殘健步吳于奇甚陰賊臭味相投官惟利是圖于奇
導之為惡無孔不鑽溪溝大小舡隻勒令編號烙印
盡納河泊之稅多方需索濱海老少用繒網手收細
蝦令概納稅一有漏報既受刑復破費于奇威勢大
于官府官曰是于奇曰非則真非官曰不可于奇曰
可則皆可怙寵橫行目無紳士孝廉陳廣為其友向
于奇說情于奇不諾廣怒曰不過打二十板而已于
奇曰只十九板半何如次日庭訊丟四枝籤打至十
九板一板已下官曰住了果符十九板半之言時興
同知除人命戶婚外得以總理于奇藉官之酷濟己

之貪防廳日理事件于奇在旁伺候事已與于奇講

明官尚未知于奇稍向前露面官會意即為省釋若

未講明于奇不露面難免枷責賄賂公行官得其一

于奇得二以此暴富買大廈買腴田無物不備有求

必遂從來胥役得寵弄權但肆虐一時未若于奇獨

貽害萬世四月二麥大收大麥每石一錢六分小

麥二錢四分六月早大收每石價二錢二分九

月撫院金鎔調浙江新任撫院張仲舉原任泉州府

十月冬稻十分大熟每石價二錢十一月十一日

龍門風大作破敵商舡百餘隻淹死水手數百人西

早稻每石價一分二
錢三分

莆語稱暴風曰龍王風

門外太平山，用竹木杉皮結成佛殿房舍莊嚴禮千
佛懺七日七夜超拔丁巳年正月所殺鄭兵數千人。
又南洋白埕用溪舡十五隻結排上用板鋪用竹
木舡蓬造大殿亦十分粧飾建七日宵蘭盆俱初十
日起是日盡被大風鼓壞。詔免湖廣福建二十五
年未完錢糧又二十六年上半限地丁錢糧俱免。
歲暮百貨俱賤上好白谷每石乙錢六分。
丁卯康熙二十六年春入晉山縣並傳林林林
二月常雨至五月初五日方霽月餘無雨至六月十
七日午未二時大雨驟降北風大作申候乃止夜半

回南風更狂暴，壞屋拔木，早稻未收者俱損失矣。天
明，風雨方息，大水三日方退，谷每石二錢。同安縣
地方，山寇海盜出沒，奸細潛入莆仙，甲銀並劄付，招納
浪子並黥兵為內應，共圖不軌。各府縣不知，數萬餘
人。王總鎮偵知，緝獲陳進忠等頭目十餘人。又仙邑
武庫鄭崔并匪類二十餘人。八月十九日，同署府朱
審實，立斃杖下，未死者用繩繫頸，倒拖出四城門示
衆，中道盡死。仙邑各犯發回打死胥役，勸朱公拘親
族甲鄰，責其失黨察之罪。朱公曰：「作此事者，妻兒尚
不知，尚他人乎？」遂不行其言。九月，蘇太守陞河東

蓋道初七日起程

戊辰康熙二十七年八月

新任知府危際泰正月十二日到任同王總鎮大放

元宵許軍民作樂明季選人間淑女詔止鳳陽自

我朝選典曾未及于江南何風聞所遞輒布謠言三

吳有女之家心中如刺市井亡賴之徒鼓動舌鋒纔

聞城市忽徹鄉隅杭州為甚吾莆亦然原其始也康

熙丁卯年十一月邸報言如漢軍文武官員有女不

許配人如已配不許嫁人並無言及人間女子本

年春廣東馬侯女子皇上納為妃要擇好女十六人

隨嫁移文兩廣總督吳興祚查取因漳泉近廣故有此謠六月初八日起一二鰥夫浪子大肆謠言或云朝廷要選淑女先掖廷又云西虜進貢要回好女千餘賜之一時之間四處皇皇又謠曰某大人並內監已到福州矣令府縣密查某家已報名在府縣矣又某家有差官來點驗矣有女之家如負重担多男之室居然奇貨已擬配者催促討親未擬配者急託媒說合共擇十四十八二日合卺不顧門風休詢年紀送往迎來日夜如織至十八日乃止夫一言之訛令人間忽闢一夫婦世界鴛鴦繫足不知費仙人幾許

詐無，莆語有其事
而不肯承認也。
總字當係「變」字之訛

赤繩也。九月，谷價每石三錢，驟貴，賣五錢，因漏港
故也。王總督令家丁並承差密訪到莆田縣，封条
櫃鎖，拿經承銀匠解省，因分頭太重，不遵部頒法律，
后竟漏網。湖岸劉蘭妹，賣魚生理，欠人宋錢五十
文，屢取詐無。值銀七錢零遂同赴城隍廟質神，總出廟門，
蘭妹即變顛狂，妻兒將伊鎖禁空房，蓬頭裸體，不避
穢。物如此二年，乃死。十一月十六日出示，布司具詳。
閩省尼姑無如福州最多，年少無知，一入其門，遂成
終身老朽，永無人道之日，良可悲矣。請將三十歲以
下者，令父母親戚領回擬配，不許主持尼僧措執亦

不許他^地棍借端生事。如無人領者，示各府縣照年紀擬配。歲暮百貨俱賤。

己巳康熙二十八年

明朝迎春粧扮故事百餘架，點綴春光，俱是里長答應。用桌一隻，後造一屏，二人扛抬，飾小兒為男女坐桌上，無甚好衣服。鼎革後，春架借各班戲子粧扮，新造高大木架，用四人扛，倩好女兒童三四人飾新鮮衣服，演鬧熱故事，更相爭賽。一春無雨，谷每石五錢六分，故平陽鎮總兵朱家發谷一千石，出糶價定四錢五分。民困少抒，危太守被王總督劾降級。

四月出衙延平防廳終國光署府印不甚理事萬
民樂業五月早稻大熟價不減六七月俱早七
月廿七日祈雨八月中旬旬始雨停戶部抽漁稅沿
海漁民沾惠新任分守道王示禁白取行戶內云
民猶子也既有親民之責當推父子之情天下無欲
死其子之父母也乃居民上者顧不念小民之生死
日以朘膏吸髓為事尚得謂之父母乎王道訪拿
梁縣橐工胥葉鰲原充下役異狀奸貪積金甚富解道
監責仍發本縣枷責張撫院復行按察司再拿到司
重責禁府頭監其母苦死家產盡破方得無事八

月復亢旱祈雨禁止屠沽一屠戶私宰府差搜出扯
稟佟公佟公問屠戶肉在何處賣曰深藏私室買者
紙包密懷而去佟公將差重責曰密買密賣雖犯法
尚畏法汝非奉差何故生事詐騙不遂故行具稟耳

十月初一日新府張濬到任湖廣漢陽縣民鄧
漢貞妻黃氏毆絕^辱母親禮部一本為人倫大變不孝
不義事奉旨朕以孝治天下漢貞夫婦敢于毆辱母
親無罪可問將漢貞夫婦發本處知縣剝皮示衆族
長不能教訓子孫問絞罪黃氏父母不教女子問絞
罪鄉老不以仁義教問充軍三年左右鄰聞聲不首

杖一百，流三千里。將漢貞房折掘地三天，永不許兵
民起。蓋府縣有誥命者，追出誥命，無誥命者，罰俸三
年。縣官革職。漢貞母許氏，着本處知縣每月給米一
石，銀二兩，以資奉養。仍發直隸各省通知，該部知道。
本府庚午康熙二十九年，未幾則不用矣
三月初三日出示，諭放老人脯帛，八十歲者領紋銀
廣錢一兩九錢三分，九十歲者加倍給領，大小麥
大熟，谷無人買。五月，侯知縣丁父憂，本府糧廳佟
世清署印。八月，張太守丁母憂，福州糧廳蔣瓚署
府印。九月初四日，縣官枷責錢鋪典鋪，示衆宋錢

扣

每三文當銀一分為用已久自六月來私鑄頗多揀選甚慘買賣爭執官府以變亂錢歸罪法若輩令一概流通次日一文不許揀新錢破錢居半盡閉門各鋪合約出入用銀數日又用金邊雙圈宋錢揀甚利害總督興永朝示眾禁下四府不得仍用前代廢錢須用本朝制錢十月初金邊宋錢俱不用要用紅官錢三文扣一分此錢崇禎時崇禎私鑄色紅字崇禎通寶此錢甚少廿九日通城會議仍用宋錢除新破外六十文扣一錢要流通三日又不用一概用銀三十一月眾議宋錢一百文扣一錢數日又變從此宋